



Газет 1948 жылдың 20 сәуірінен шыға бастады

ҚАЗАҚ УНИВЕРСИТЕТІ



№17 (1402)
20 мамыр
2011 жыл

ӘЛ-ФАРАБИ АТЫНДАҒЫ ҚАЗАҚ ҰЛТТЫҚ УНИВЕРСИТЕТІНІҢ РЕСПУБЛИКАҒА ТАРАЙТЫН АПТАЛЫҚ ГАЗЕТІ

АРМАН ҚУЫП, АРҒЫМАҚ ОЙНАТҚАН

Білім мен ғылымның қара шаңырағы, киелі орда әл-Фараби атындағы Қазақ ұлттық университеті өзінің 75 жылдан астам тарихында талай асулардан, күрделі кезеңдер мен қилы жолдардан өтті. ҚазҰУ – болашақ маман үшін жастық шақтың куәсі ғана емес, баянды болашаққа, жарқын келешекке, өнегелі өмірге жолдама берер білім мен ғылымның алтын қазынасы. ҚазҰУ қалашығы – студенттік шақтың қуанышты ордасы, ғашықтар мекені. Әрбір қазулық түлектің айтар естелігі осы мазмұнға саяды.

«Құс қайтып оралды Алматыға...»

«Бүгінгі таңда әл-Фараби атындағы Қазақ ұлттық университеті – тәуелсіз Қазақстанның кадрлар дайындайтын негізгі орталығының бірі», - деп Елбасы Нұрсұлтан Әбішұлының киелі шаңыраққа жоғары баға беруі әрбір қазулықтың мақтанш сезімін арттыратыны анық. ҚазҰУ өз тарихында 125 мыңнан астам маман даярлап шығарған. Олардың арасында ҚР Парламентінің депутаттары, елшілер, министрлер, ғалымдар, ақындар, жазушылар және БАҚ майталмандары бар. Бір сөзбен айтқанда, ҚазҰУ-дың түлектері Қазақстанның элитасын қалыптастырып отыр.

ҚазҰУ-дай құт мекенде жастық шақтан болашаққа айқын бағдар алып, бәсекеге иық тіресер маман болып даярланған түлектер де әр кез туған университеттеріне сағынышпен, қимастықпен, үлкен ризашылықпен қатынасып тұрады. Мұның ұштығы ҚазҰУ-дың киелілігінде жатыр десек те болады.

Қазірде кешегі университет түлектері, бүгінгі қоғамнан өз орнын тапқан мамандар 5, 10, 20 және 30 жылдық кездесулерін ұйымдастырып тұруды дәстүрге айналдырған. Түлектер үшін ҚазҰУ-мен жүздесу білім ордасымен қауышу ғана емес, жалынды жас дәуренімен, студенттік өмірдің қызығын бірге көріп, қиыншылығын бірге бөліскен замандастарымен, тәлім берген ұлағатты ұстаз қауымымен қайта жүздесу мүмкіндігі екендігі сөзсіз. Міне, сондай азаматтар, 1981 жылы ҚазҰУ-дың журналистика факультетін тамамдаған түлектер мамырдың 21 жұлдызында қара шаңырақта бас қоспақ. Олар есімдері ел аузында жүрген, халық ықыласына бөленіп, ел ағасына айналған тұлғалар. Бірі – БАҚ тізгінін ұстаған білікті басшы, бірі – ғалым, бірі – көсемсөзгер, енді бірі – отбасын ұйытқан ана.

(Жалғасы 3-бетте)

(Жалғасы 2-бетте)



Жұмабек КЕНЖАЛИН,
«Қазақ газеттері» ЖШС Бас директоры –
Редакторлар кеңесінің төрағасы

Мақаланың тақырыбындағы образды тіркес кімдерге арналған, кімдерді меңзейді деген заңды сұрақ туады. «Арман қуып, арғымақ ойнатқан!» Апыр-ау, кімдер екен олар?!

Таңғалатын түті жоқ! Бұл – біздерміз!

ҚазҰУ-дың 81 жылғы түлектері – Біздерміз. Біз өзімізді өзіміз осылай мадақтамасақ, осылай асқақтатпасақ, басқа кім айтпақ?! «Өсер елдің баласы бірін-бірі батыр дейді» деген қанатты қағида, сірә, осындайда айтылған болар!

1976 жылдың қоңыр күзінде ҚазҰУ-ға пәленбай абитуриенттің ішінен маңдайына бақ қонған 50 жас студент атанды.

Мұның қатарында Шарханның лексиконымен айтқанда «рабфактан келген» біздер де бар едік.

Бес жыл бес күндей болмай өте шықты. Көзді ашып-жұмғанша. Бүгінде көз алдыңызда кино лентасындай сырғыған сол күндер мен жылдар елесі жүректі елжіретіп, сағыныштың қыл пернелерін шертіп-шертіп өтеді-ай кеп.

Қайран, бұла дәурен!

Осыдан 30 жыл бұрын комсомол-жастар бригадасында жүріп Ақсуаттың ақ түтегімен арпалысқан, Сарысудың сағымды даласын кезген, содан серт алған, Жуалының жаңбырлы күндерінде жасын болып жарқылдаған, бесіктен белі шықпай жатып «Аралдағы жеңеше-айды» аңыратқан, өзін дегенде Торғайдың суы тобығынан келме-

ген, Оңтүстіктің інжу-маржанына шөлі бір қанбай арманын Алатаудың ұшар басына байлаған, Атыраудың ақшулан теңізіне бірде ән салдырып сызылған, енді бірде күмбіретіп күй ойнатып көбік шаштырған, Алтайдағы азуын айға білеген арландармен арпалысқан менің қанаттастарым бір сәт ҚазҰУ дейтін киелі мекенде төс қағыстырып, оның қалашығында бас тоғыстырды!

Білім Меккесіне махаббатын арнаған менің курстастарымның қай-қайсысы да сөзіне берік, қиналғанға серік, мәрттіктің мәйегіне қанған марқасқалар болды!

Олардың әрқайсысы бір-бір әлем еді. Ал оның сырғына, шынына қанығу үшін солардың әлемімен өмір сүру керек, тыныстау керек. Ал мен бақытыма қарай осындай олжалы жанның бірі болдым.

БҮГІНГІ САНДА:

БҮГІНГІ САНДА:

БҮГІНГІ САНДА:

Он
алты
жігіт



2-бет

Өркен

5-8-беттер

Өткен
күнде
белгі бар



11-бет

(Соңы. Басы 5-бетте)

Тартып қойып жайымен мыңғынды,
Салмай кеттің бір қызға қиығынды.
Білімді **Өтеген** көтерген соң
Көтеретін кез келді иығынды.

Биге де баратұғын, бармай қалып,
Ұйқысы сонда-дағы қанбай қалып.
Дүр әлі болмасаң да **Дүрәлі** боп,
Жүре бер бақ жұлдызын маңдайға алып.

Кезіміз жоқ керіскен, айқайласқан,
«Құда бол» деп **Абдолла** айтқан бастан.
Менің қызым келген жоқ дүниеге,
Сенің ұлың енді-енді тәй-тәй басқан.

Сыйлап өскен халықпыз қыз арманын,
Қаладым кемең өрге жүзе алғанын.
Несібелі шашынды қиған сайын
Тілеп жүрем жолыныңыз ұзарғанын.

Бойында бабамыздың салты басым,
Нар жігітсің сыр мінез, әр қыры асыл.
Қоштасарда айтарым жалғыз тілек,
Ал **Кәрібай**, маңдайың жарқырасын.



Сан адамның **Әндіржан** даусын салды,
Енді өмірде естілсін өз дауысын.

Сен болсаң жанарда емес, жүректесің,
Сөйлейді **Шолпан** саған тілектесің.
Өмір сені мейлі ғой арықтатса,
Ал жаныңды бәрібір жүдетпесін.

Шығаратын алысқа қазақ атын,
Шынар сынды бойшаң бір азаматым.
Көз көрмесін жылаған кездерінді,
Өзгермесін ешқашан **Азат** атын.

Елемей жүректердің жиі ұрғанын,
Елемей жігіттердің қиығын.
Біздерге көз салмастан сылқым **Шара**
Басқаға қиын болды бұйырғанын.

Бұғып алып әркімді шымшып, қысқан.
Топ алдына кеттің бе бір шықпастан.
Бой жағынан соңғы орын алғаныңмен,
Жүлдені алдың **Мұрат** сен қырсықтықтан.

Тындаған сырларыңды эфирдегі,
Түсіне жігіттердің не кірмеді.
Қалаймын қаламыңның жетілгенін,
Қалдығұл көп сөзі жоқ көпірмелі.

Сен басқан із – ұқсамас бір ізге де,

Курстастарға хат

Жігіттердің бірі өзін талабы бар,
Жігіттердің бірі өзін жан оты бар.
Шархан досым МГУ-ге кетпес бұрын,
Құлақты емес, жүйкені қаратып ал.

Достарға – сөз, жанға – кір жолатқызбай,
Сызылып тұрушы едің **Болат** қыздай.
Жоғалтып ең сан нәрсе біздер үшін,
Ендігісін қаларсың тонатқызбай.

Болмады бастықпын деп көп бөсуін,
Болмады ренжуін, кектесуін.
Мейрамбек, староста ылығы өстіп,
Аман өт ортасынан от пен судың.

Алдыңнан күнің күліп, **Оңлағұл**,
Жайқалып шығар болсын жолыңа гүл,
Жаныңды түсінетін жақсы адамға,
Жайлы адамға тілегім жолыға біл.

Көшелі ағалардан сыр тындалық,
Көшеде сыраға да мұртың малып.
Есілтіп эссе жазшы еш тынбастан
Атыңа эстет **Қали** жұртың қанық.

Қазақ демес сені ешкім күндіз көріп,
Ойыңдағы арманың бір қыз болып.
Жұлдыз санап жүруші ең, **Әмір** досым,
Жарқырашы өзін де жұлдыз болып.

Эфирден әрбір үйге күле кірдің,
Сені ойлап жігіттердің мыңы егілді.
Гүлмира шашты бояу ештеңе емес,
Боямасаң болғаны жүрегінді.

Түсімізге кіреді Алматы анық
Түсіндім, мұнда көп жан қалмасы анық.
Мақаланды жібергің посылкамен
Жартысына **Коммунар** алма салып.

Домбырамен айтқанда «Дариганы»,
Тындаушы еді **Жайлаубай**, **Қали**-дағы.

Жұмысқа орналассаң **Ғазиз** ағам,
Берермін бір әдемі парик алып.

Жігіттер жүрді үмітін үзбей мүлде,
Көзіңе ілінбей ед біздей пенде.
Балкия барсаң **Жанақорғанына**
Жүрегін біреулердің іздей көрме.

Өмір – теңіз, талантты желкен еттің,
Жағалауын арманның көркем еттің.
Әнипадан айрылып қалам ба деп,
Бойдақтықтан **Сәбит** сен ерте кеттің.

Біреумен бес жылда шәй дескен емес,
Біреудің алдын тағы кескен емес,
Жүрегің ақ жансың ғой **Дәуітәлі**,
Өңіңнің қаралығы ештеңе емес.

Біріңнің-бірің болып қолқанатың,
Бақытты өмір сүріндер **Ержан** – **Әтір**.



Бір ұлдарың аталсын **Қайнар** болып,
Сендерге менен тілек сол ғана бір.

Кең маңдайға жарасып бұйра шашың,
Жақсылықты бойыңа жинағансың.
Манқиған түйе сынды **Уәлихан**
Бақытты қыз тек сені бұйдаласың.

Сөзімнің ештеңе жоқ астарында,
Мінезін Алматының аспанындай.
Бір шумақ жырды саған екі жазып,
Салтанат, естен кетпес сасқаным-ай.

Жігіт бол жарқылдаған хас алмастай,
Жүресің ал сен жерден бас алмастан.
Жұмабай ортамыздан кетпексің бе,
Ұйқыңды шыныменен аша алмастан.

Сыпайы едің, сырбаз ең, сері де едің,
Елуінші боп бізге келіп едің.
«Мен сізді ұнатам» деп **Иса** досым
Жүрегінді әр қызға телімегін.

«Шіркін» деп тамсантағын **Бағдат** қандай,
Бағдатқа біткен және салмақ қандай.
Бояған көзін сүзіп қарағанда,
Ақынға екі дастан арнатқандай.

Сөйлеуші едің кей кезде есіп те кеп,
Тұрушы едің кей кезде есікке кеп.
Өмірдің сабақтары қаталдау ғой
Мылтықбай, өтінішім: кешікпе көп.

Қалжың, күлкі толтырып жаз бау ішін,
Алматыда жүрдік біз маздау үшін.

Достар сенен үмітін бір үзді ме.
Жапсар, дұрыс іздеуін жүректен дақ,
Бөлмелерден бірақ та кір іздеме.

Қыз біткеннің ішінде ұяңысың,
Қимай ұшып барасың ұяны шын.
Тұрар, сені сағынып жүреміз ғой,
Түсімізге жиі еніп тұрамысың.

Бойдақтықтан бұл күнде қырын қонып,
Бауырғали кетті отау үйің болып.
Оқудағы түк емес, өмірдегі
Емтихандар жүрмесін қиын болып.

Қайыржан ақиқаттан қуаттандың,
Адалдық үшін талай құлап та алдың.
Ұстараның жүзінде бұл өмірде
Ешбірінен сүрінбе сынақтардың.

Көңіл деген ешқашан тартылмай көл,
Ішінді де, ісінді алтындай бер.
Арасындай құрбыңның, **Роза**, сен
Алтындатқан тісіндей жарқылдай бер.

Сөйлескенде түсініп кетер кісің,
Саған ешкім деген жоқ «бөтенбісің».
Журфакты бітіріп ап **Батыр** аға,
Қоймашы боп түбінде кетермісің.

Бой түзеп, болашақтың жайнар бағы,
Бұлбұлым сол тойларда сайрар тағы.
Бәріңе бір-бір шумақ жыр арнаған
Бәріңді қимайтұғын **Қайнар** дағы.





Бірінші курста
Еңбекші қазақ ауданына ауылшаруашылық жұмысына бардық. Жүзім шаруашылығымен айналысатын кеңшарда еңбек еттік. Өз басым жүзімнің сан түрі болатындығын, олардың қалай өсетінін алғаш рет көріп, таң қалғаным бар. Саусақтың ұзындығындай көгілдір, көлемі құлтынай секілді қою-жасыл, моншақтай мөлдіреп, тізілген күрең қызыл және қарақат сияқтанған ірі жисдектер бұтақтарда қомақты түрде шоғырланып, ұйысып тұратыны гажжап.



сы Л.И.Брежневті, Қазақстанның бірінші басшысы Д.А.Қонаевты жақыннан көрдік. Үлкен мерекелік шара біткен соң, солтүстік өңірге тартып кеткенбіз.

Пойыз ішінде небір ұлт өкілдерінің егін ору, жинау науқанына бара жатқанын білдік. Жамбыл, Шымкенттің жігіттері қап-қап пияз, картоп тиіп алыпты.

— Ол жақта жұмыс істейміз. Барған кезде мыналарды сатып, ақша құрап аламыз, — десті олар.

Көкшетауға келген соң бізге облыстық телерадио кешенін тауып алу мұң болды. Қанша дегенмен бейтаныс жер. Қыркүйек айы басталса да суық жел өңмендеп соғып тұр екен. Осы өңірдің тұрғыны, курстасымыз Кәрібай Мұсырманов төбе көрсетпеді. Содан Несібелі екеуіміз бүкіл заттарымызды жүк сақтайтын автоматты камераға тапсырып, такси тоқтатып, облыстық радионың мекемесіне келдік. Бізге жатақханадан бір бөлме берілді. Соны барып көрдік. Осыдан соң вокзалға келіп, құпия санды терсек, жүк салған қобдишаларымыз ашылмады. Теміржолдың кезекші милициясына барып, жағдайды мәлімдедік.

— Ой, сұмдық-ай, екеуіміздің де сөмкелеріміз ұшты-күйлі жоқ. Орындары бос тұр. Ешкім ештеңе көрмеген, білмеген болып шықты. Жан-жағымыз тым-тырыс.

Осыдан кейін біріміз — Оралға, біріміз — Қызылордаға, әке-шешемізден ақша сұратып, жедел хабарлама жібердік. Әйтеуір, байланыс жүйелері жақсы жолға қойылған болар ма, кешке қарай қаражат қолға тиді де, дүкендерге жүгірдік. Жаңбыр жауса қолшатыр, тоңып кетсек жылы киім, бір ай бойы аса қажетті ұсақ-түйектерді сатып алумен жүрдік. Алматыға қарағанда тауар бағалары да өте қымбат екен. Облыстық телерадио кешенінің еңбек ұжымы бізді жақсы қарсы алды. Бірнеше аудандарға іссапарға шықтық. Көптеген жерлерді аралап, механизатор-комбайншылармен жолығып, қызу еңбектің ортасынан жалынды репортаждар жүргіздік. Қолымыз қалт еткенде тым болмаса студенттік билеттер мен сынақ кітапшаларымыз табылар ма екен деп милиция органдарына барып тұрдық. Киім кешектер мен ақшадан бірден күдер үзіп үлгергеніміз анық.

Әуірімдеп жүріп жұмыс орны жа-

ӨТКЕН КҮНДЕ

Белгі бар



айта ма деп қорқып қалдым. Қалдығұл шикшик етіп өтірік күлген болды. Онысы өзіне сол кезде түк те жараспай тұрды. Екеуі көңіл-күйімді, халімді қайта-қайта сұрап, сол күні әбден мазамды алды.

— Саған қиянат жасадық. Сен оны жайбарақат қабылдадың. Біз бұндай жағдайды күтпеген едік.

— Сен бізді қайран қалдырдың. — Осылай деп олар оқуды бітіріп кеткенше әркезде маған айтып жүрді.

Шіркін, қанша дегенмен біздің қыздарда ұят бар еді ғой.

ХАТТАН БАСТАЛҒАН МАХАББАТ

Үшінші курста Қалдығұл Мұратова, Гүлмира Тойболдина үшеуіміз қазақ радиосында оқу-өндірістік тәжірибеден өтіп жүргенбіз. Ол кезде редакцияға республиканың түкпір-түкпірінен хаттар көп келуші еді. Бірде Қалдығұл екеуіміз «Ұшқын» бағдарламасы бойынша жастарға арналған хабарды дайындап жатыр едік, бас редактор Кемелбек Шаматаев аға келіп:

— Қыздар, мына хаттар Петропавл — Камчаткадан келіпті. Қыыр шығыстан келген құнды мәлімет болса, хабарға пайдаланыңдар, — деп торсифан конвертті ұсынды. Ашып оқысақ, Тынық мұхитта әскери-азаматтық міндеттерін өтеп жүрген офицер жігіттер бөлек-бөлек қағаздарға толтырып тұрып бастан кешкен хикаяларын, қоңыр аюмен кездескендегі қорыққан жағдайларын, итбалық тұқымдас сүтқоректі жануар (нерпа) мен шағала құстың достығын, Тынық мұхитта М.Әуезов атындағы алып кемені көргендегі қуаныштарын, т.б. жайларды баяндап жазған екен. Хат соңында хабарласып тұруымызды сұрапты. Алматы мен Камчатка арасында алты сағат айырмашылық бар екенін, егер өздері жазған хат радиодан берілетін болса алдын ала хабарлауымызды өтініпті.

Әйтеуір түгел болмаса да, бір үзік сыр радиодан оқылатынын айтып, қысқа түрде біздер хат жазып жібердік. Осыдан кейін Қалдығұл екеуіміздің атымызға арнаулы хаттар легі ағылумен болды. Екі апта сайын бас поштада әскердегі жігіттер жазған хаттар толып тұрады.

— Ойбай, Жанат деген жігіт хатты орысша жазыпты. Төрт беттік хаттан төрт түйір сөзін түсінсем бұйырмасын. Мұнысы несі-ай? — Қалдығұл хатты оқып, бұлқан-талқан болды.

Шын мәнісіне тоқталсақ, Қалдығұлдің атына келген хаттың иесі өте сауатты, парасатты жан екендігін аңғартады. Өскемен қаласында туып-өскен, сол жерде жоғары оқу орнын бітірген жігіт Алматыны көргісі, Қалдығұлмен кездескісі келетінін жасырмапты.

— Ой, кой, шырақ. Сезім айдынына тас лақтырма! Сен орысша, мен қазақша сайрап

жүрсек-ау, сол. Менің саған жазатын орысша жоқ. — Қалдығұл сөйтіп хат жазбайтын болды. Жанаттың талай хаттары осылайша жауапсыз, жыртылып қала берді.

Маған түскен хат шұрайлы тілмен, көркем сөз тіркестерімен ана тілімізде жазылыпты. Сөйлемдері сондай күрделі, өте шұрайлы, ойлы, мағыналы болып келеді. Өзін Семей топырағынанмын, арғынның тобықтысымын деп таныстырған жігіттің ұзын сонар хаттарының әрбір үшіншісінің біреуіне ғана әзер дегенде қысқаша жауап жазып үлгеретінмін.

Арада үш жыл уақыт өткенде сол жігітпен отау құратынымды сол кезде мен қайдан біліпін.



ЖЕҢІЛІС

Төртінші курсты бітірген соң, оқу-өндірістік тәжірибеден өткізуге Көкшетауға баратын болдық. Несібелі екеуіміз неше түрлі қияна беріліп, пойызға жайғастық. Біресе Бурабайға барып сексен көлге шомылатын боламыз. Енді бірде Оқжетпестің төбесіне шығып, ақшабұлтқа сыр айтуды армандадық. Жұмбақтасты, «Жеке батырды» суретке түсіріп қайтуды қиялдадық. Көңіл-күйіміз көтеріңкі. Өйткені, жаз бойы үкімет үйі алдындағы жаңа алаңда Алматыдағы бүкіл оқу орындарының студенттері түрлі жаттығулар жасап, біздің еліміздің Отанға миллиард пұт астық тапсыру жолындағы еңбек көріністерін бейнелеген едік. Компартияның бас хатшы-

зып берген жақсы мінездемелермен оқуға келдік. Алайда факультет деканы Т.Қожакеев біздің Көкшетауда тоналып қалғанымызды естігенде түсін бірден суытты.

— Сынақ кітапшаны кім сөмкеге салады. Студенттік билетті есі бар адам жүректің тұсына салып сақтап жүруге тиіс. Құжаттарды жоғалтқанша, бастарыңды неге жоғалтпайсыңдар? Сендерге жатақхана берілмейді, — деді де бізді бөлмеден қуып шықты.

Сөйтіп, суыққа ұрынып, Көкшетаудың көшелерінде тентіреп жүргеніміз аздай, енді оқу бітіретін жылы Алматыдан жалайтын пәтер іздеп, бет-бетімізбен кеттік.

